

04.11.2020

UKA2020/57

Atuarfimmi pisortat perorsaanermi aqutsinissamat piffissaqarnerulernissaat anguniarlugu atuarfimmi allatsitut ilinniarnissamat periarfissaasut misissorneqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi piginnaasatigut nukittorsaanissamat pisariaqartitsineq nassuiarneqassaaq, ilinniarneq sorleq tulluunnerunersoq, aningaasartuutissatut kingunerisassai aammalu ilinniarfinni atuutereersuni ilinniarsinnaangornissaq periarfissaanersoq. Misissuinermi kingusinnerpaamik UKA2021-mi saqqummiunneqartussamat soqutigisallit sammisamullu attuumassusillit ilanngunneqarniarsarissapput.

(Inatsisartunut ilaasortaq Nivi Olsen, Demokraatit)

Inatsisartuni ilaasortaq Demokraatineersoq Nivi Olsen siunnersuutaa Siumumiik imaattumik oqaaseqarfignissuarput.

Sutigut tamatigut Atuarfitsialaap nukittorsarneqarnissaa partiit tamatta qularnanngilluinnartumik pingaartitaraarput aamma Siumut taamatuttaaq atuarfinni aqutsinerup allaffissornermik ingerlatsinerup nukittorsarnissaa pingaarutilerujussuuvoq. Tassami aqutsisoq imal. pisortaq nukittoq nukissaqarluartorlu atuarfimmi pigineqaraangat atuarfik angusarissaartarpoq. Sulisut kajumissuseqarnerusarput atuartullu angusassaannut nakkutiginnilluarnerusarlutik.

Assersuutigilara inuunerma ilaani meeqqat atuarfianni ilinniartitsisutut praktikkerlunga atuarfimmit praktikkerfigisanni pisortaqarpoq ilinniartitsisunut nakkutiginneqqissaartumik. Pisortap taassuma atuartut ilikkagassatut anguniagassaat nakkutigeqqissaartarpei anguneqarsimanersut ilikkagassatullu suliaat sumut killinnersut. Taamaalilluni ilinniartitsisut pisortamik nakkutigineqarnermikkut meerartatta anguniagassaat pimoorullugit anguniartarpaat. Pisortaq taamaattoq atuarfinni tamani pigineqarnissaa kissaatiginartorujussuuvoq, tassa ilinniartitsisunut atuartunullu angusassaq pitsaanerpaaq anguniarlugu nakkutiginnissinnaasoq ilinniartitsisut suleqatigalugit.

Siunnersuuteqartup nassuiaanerattut pisortap suliaassai allarpassuarnik imaqarsinnaasarput allaffissornermut il. il. nukittorsaaasoqassappallu allaffimmiut ilinniaqqittarnissaat pisariaqarpoq. Siunnersuuteqartup ugartorpaa atuarfimmi allatsit ilinniaqqinnissamat periarfissaasa misissorneqarnissaat tassa ilinniarneq suna tulluunnerunersoq. Naalakkersuisullu akissutaanni ersersinneqarpoq Pisortatut Ilisimatusarfimmi ilinniarneq tamanna pioreersoq aammalu atuartitaanerup ilinniartitaanerullu ataqatigiissumik aqqissuuteqqinnerani suli pitsanngorsaannissamik suliaqartoqartoq. Tamanna tunngavigalugu Naalakkersuisut allannguutissamik siunnersuuteqarput, suliamut ilagitillugu atuarfimmi pisortat perorsaanermi aqutsinissamat piffissaqarnerulernissaat anguniarlugu atuarfimmi allatsitut ilinniarnissamat periarfissaasut misissorneqarnissaannik tassa ilinniarneq sorleq tulluunnerunersoq kingunerisassai il. il.

Naalakkersuisut allannguutissatut siunnersuutaat Siumumiik taperserlugu siunnersuut aappassanneerneqannginnerani ataatsimiititaliami susassaqtumi suliarineqarnissaa innersuupparput.

Doris J. Jensen